

Inatsisartut Suleriaasianni § 33, imm. 1 naapertorlugu aalajangiiffigisassatut siunnersuut manna Naalakkersuisut saqqummiuppaat.

Uunga siunnersuut: Kalaallit oqartussaaffiinit tunngatillugu pisortat ingerlatsinerat pillugu paasitineqarsinnaatitaaneq pillugu inatsisip atortussanngortinneqarnera pillugu Kunngip Peqqussutaanut Namminersorlutik Oqartussat isumaqataanissaat pillugu Inatsisartut aalajangiiffigisassa

(Naalakkersuisut Siulittaasuat)

Tunngavilersuut

Kalaallit Nunaanni Namminersorlutik Oqartussat naalagaaffimmi oqartussat kunngip peqqussutaa aqutigalugu pisortat ingerlatsinerat pillugu paasitineqarsinnaatitaaneq pillugu inatsisip Kalaallit Nunaanni naalagaaffiup oqartussaasuinit atortussanngortinnissaanut tapersiinissaannik naalagaaffimmi oqartussaasuinit qinnuiginnittoqarnerata kingorna aalajangiiffigisassatut siunnersuut saqqummiunneqarpoq.

Tunuliaqutaasq

Ulloq 1. januar 2014 pisortat ingerlatsinerat pillugu paasitineqarsinnaatitaaneq pillugu inatsit atuuttoq (inatsit nr. 606, 12. juni 2013-imeersoq) Danmarkimi atuutilerpoq. Inatsimmi § 43 malillugu inatsit sulianut kalaallit savalimmiormiulluunniit oqartussaaffiinit tunngassuteqartunut, naalagaaffiullu oqartussaasuinit suliarineqartunut suliarineqarsimasunulluunniit inatsit atuutinngitsaq takuneqarsinnaavoq.

Imarisai

Peqqussutissamut missingiummi siunertarineqarpoq Kalaallit Nunaanni naalagaaffimmi oqartussaasut pisortat ingerlatsinerat pillugu paasitineqarsinnaatitaaneq pillugu danskit inatsisaanni atuuttumi malittarisassat malillugit sulianik taakkunani suliarineqartunut imaluunniit suliarineqarsimasunut suliarinnissinnaalernissaannut tunngavissiiinissaq. Peqqussummik atortuulersitsineq Kalaallit Nunaanni naalagaaffimmut oqartussaasuinnaq sunniuteqartussaassaaq.

Kalaallilli oqartussaasui Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat nr. 9, 13. juni 1994-imeersoq atorsinnaassavaat.

Aningaasaqarnikkut allaffissornikkullu pisortanut kingunissai

Siunnersuut taamaallaat Kalaallit Nunaanni naalagaaffimmut oqartussaanut tunngassuteqarmat siunnersuut pisortanut aningaasaqarnikkut allaffissornikkullu sunniuteqartussaannngitsutut nalilerneqarpoq.

Aningaasaqarnikkut allaffissornikkullu namminersorlutik inuussutissarsiutilinnut kingunerisassai

Siunnersuut taamaallaat Kalaallit Nunaanni naalagaaffimmut oqartussaasunut tunngassuteqarmat siunnersuut namminersorlutik inuussutissarsiutilinnut aningaasaqarnikkut allaffissornikkullu sunniuteqartussaangitsutut nalilerneqarpoq.

Inunnut ataasiakkaanut aningaasaqarnikkut allaffissornikkullu kingunissai

Siunnersuut taamaallaat Kalaallit Nunaanni naalagaaffimmut oqartussaasunut tunngassuteqarmat siunnersuut inunnut ataasiakkaanut aningaasaqarnikkut allaffissornikkullu sunniuteqartussaangitsutut nalilerneqarpoq.

Tusarniaaneq

Ilanngussatut ilanngunneqartoq malillugu tusarniaasoqarsimavoq.